

حقوقی بیلکیر مجموعه سی

هر آی صوکنده نشر اولنور

ا، طوغریدن طوغری به جاری تکلیف . — اعتراض ایله برابر مکلف یالکیز وعده سی کچمنش بورجی دکل بلکه وعده سی حلول ایله مش بولنان تقاسیطی دخی ویرمه که مجبوردر. مع هذا اگر ولایت مجلسی اعتراض تاریخندن اعتباراً آلتی آی ظرفنده حکمنی ویرمرسه مکلف وعده سی حلول ایده جک تقاسیطی تأخیر ایتک حقنه مالکدر. آنجق بوحق استعمال ایچون عرفهالنده بوصورتله حرکت ایده جکنی سویله می لازمدر. ولایت مجلسنک قرارینه قارشی شورای دولته کی استیناف دخی بورجک تأدییه سی تأخیر ایده مز. ب، بالواسطه تکالیف. — بوراده دخی اعتراضات بورجک تأخیر تسویه سی ایجاب ایتمز. ذاتاً علی الا کثر بوقیل ویرکیلر پیشین آلییر. بناءً علیه مکلفک اعتراضی ویریلن پارهنک استردادی مقصدیله اولور. مثلاً : ۲۶ شباط ۱۹۰۱ تاریخلی قانونک بشنچی ماده سنک برنجی فقره سی بورجک تزیلی تقدیرنده انتقال ویرکوسنک استردادندن باحثدر. کذلک کمرک مسئله سنده ویرکینک تحصیلی ایچون ویریلن اعلاماتک اجرایی هیچ بروسيله و اعتراض ایله تأخیر ایدیله مز. حکام بو اعلاماته قارشی هیچ برمدافعه و تأخیر طلبی استماع ایده مز، دیگر بالواسطه تکالیفده دخی قاعده عینیدر. اعلامک اجرایی هیچ بر درلو اعتراض ایله تعویق و تأخیر اولنه ماز .

۱۵ نیسان ۱۹۲۷

دارالقنون حقوق فاکولته سی علم مالی
وقوانین موضوعه مالیه مدرسی
عینی زاده مسیح نحسین

مفوقه اداره :

قضای اداری کیمه عائد اولمالیدر

III

ایکی نوع قضایک موجودیغندره مترله محذوردر

قضای اداری ، تشکیلاتی نه قدر منظم فرض اولنورسه اولسون و او تشکیلاتی ترکیب ایدن اعضالک استقلال رأیبری حقنده کی تأمینات نه اولورسه اولسون ، بو مؤسسه نک موقعی دون اولمقدن قورئیه مامشدر. زیرا تشکیلات عدلیه نک عمومی قادرو-

سندن خارج قالمقده و محاکم سائرہ خلافتہ اولہرق محکمہ تمیزک یوکسک مراقبہ سنہ تابع بولنما مقده در. بربرینہ موازی و یکدیگر نیدن آری اولقلہ برابر مشترک بر مرجع عالیسی بولنمان ایکی نوع قضاتک موجودیتی، مغایر عدالت بر طاقم شایجک حصولہ و حتی فقدان عدالتہ منجر اولق تہلکہ سنی دا عیدر. سببی شودر کہ داخل دعوی، تعیین مرجع، توحید، رد حکام کی موادہ متعلق اولوب محاکم عدلیہ حضورندہ طبیی بر طرزده و حقوق عمومیه و جہلہ و بربرینہ مابین قرارلرک صدورینہ میدان ویر مامک مقصدیلہ جریان ایدن اعتراضات و طرق قانونیہ نک. بو ایکی قضاتک موجودیتی حالندہ بونلردن برینک صلاحیتی لہندہ اولہرق سربستجہ استعمالی ممکن اولماسیدر. بر ایشک عینی زمانندہ ہم محاکم عدلیہ نک ہمده قضای اداری نک صلاحیتی جہلہ سندن فرض اولنہ بیلیر. ہر ایکی نوع قضا ایشہ وضع ید ایدرلر و بربرندن تماماً مستقل اولدقلری جہتلہ طبان طبانہ ضد قرارلر ویرمک موقعندہ بولنہ بیلیرلر. ایشہ اووقت چارہ حلی بولنمان بر حادثہ اختلافی مواجہہ سندہ بولنلش اولور.

قریم محاربہ سی اتناسندہ فہقان قصبہ سندن بر کمی مجہزی (ایرمیس) اسمندہ کی کمیسنی قرہ دکزدہ لوازم و ذخائر مرکزی اتخاذ ایدیلن قامش نامندہ کی کوچک لیمانہ ذخائر و مهمات سوقی ضمتندہ حکومتہ ایجار ایلش ایدی. مجہز ہم سیغورطہ قومانیہ سی نزدندہ بحری خساراتہ قارشو ہمدہ محاربہ دن متولد بر سبب طولایسیلہ تلف و یا خسار وقوعندہ تضمینتی در عہدہ ایدن حکومت نزدندہ حرب احتمالاتہ قارشو کمیسنی سیغورطہ ایتدیرمک تدبیرندہ بولنشدی. کمی قامشہ یناشہ مامش و فورطنہ اونی (سیواستوپول) استحکاماتی قارشوسنہ آتہرق بوموقعک طولایریلہ کمی غرق اولمشدی. کمی مجہزی اولای سیغورطہ قومانیہ سی علیہنہ بر دعوا اقامہ ایتش وفہقان بدایت حقوق محکمہ سی ایلہ روئن استیناف محکمہ سی حادثہ بحری بر خسار اولمادینی و بنابرین قومانیہ نک بر کونا بدل تضمینہ مجبور اولمادینی یولندہ قرار ویرمشلردر. (روئن ۲ نیسان سنہ ۱۸۵۶، دالوز ۲-۲۲۱) بونک اوزونہ حکومت علیہنہ یورون مجہز، او زمان حقوق عمومیه جہ حاکم اداری عد اولزان ناظر دن مدعاسنی طلب و بو طلبی شورای دولت نزدندہ استینافاً تکرار ایلدی. کرک ناظر کرکسہ شورای دولت اورتہدہ بر حرب خساری موجود اولمادینی و بو سبب دن طولایری حکومتک مسئول عد ایدیلہ میہ جکی یولندہ قرار ویرمشلردر. ایمدی وقوعبولان خسار بحری می ایدی یوقسہ حرب دن می متولد دی. بو

مسئله بروراده حائز اهمیت دکلدر. آنجق شو محققدر که بو خسارلردن بری وبلکده هر ایکسیده وقوعه ککش وایکی نوع قضادن بری ویا هر ایکسی حقه مقرون قرارلر اعطا ایتمه مشلر و بالهایه خطانک نه طرفده اولدیفنی سوبله جک و بونی تصحیح ایده ببله جک بر محکمه نکهده فقدانی کندی حس ایتدیرمشددر. فی الحقیقه بو مسئلهدن بر تعیین مرجع اختلافنی چیقارمق ممکن دکلدی وایش تعیین مرجع حاکمه تودیع اولنه مازدی . زیرا هر ایکی نوع قضا عینی ایش ایچون کندیلرینه عائد خصوصده هر بری بحق کندی صلاحیتدار کوره بیلوردی .

ایشته بوندن طولاییدر که ایکی قضایه مالک اولان بر مملکتده بعض احوالده هیچ برنی بولاماق محذوری وارددر .

۱۹۱۴ محاربه سی بوکاشیه وکیم بیلر دهانه قدر کثیر مشکلات احداشه سبب اولابیلردی . برکت ویرسون که شورای دولت کندیسنی صلاحیتدار کورمه مش و محاکمک صلاحیتنی قبول ایتک رأی صائبده بولنمشددر . حربک بدایتده دشمن تحت البحرلرینک ابقاع ایتدیکی تخریبات و خسارات او قدر کثیر ومهم اولدی که محکمتک محتاج اولدیفنی تجهیزات ولوازماتک تدارکنی تسهیل مقصدیه حرب خساراتنه قارشو بحری سیغورطه لر ایچون حکومتک نام و حسابنه اوله رق تشکیل ایدیلن ملی برشعه اداریه به لزوم حاصل اولدی . ایشته ۱۱ و ۱۴ ایلول ۱۹۱۴ تاریخلی قرارنامه لری تأییداً ۱۰ نيسان ۱۹۱۵ تاریخنده صادر اولان قانون بواساسی کوزده دیوردی . بوقانونه نظراً حکومت خصوصی سیغورطه قومپانیه لری نزدیکه بحری خساراته قارشو سیغورطه ایدلش اولان کیمیلری حرب خساراتنه قارشو سیغورطه ایتمکی درعهده ایدیور ایدی . ۱۵ اغستوس ۱۹۱۴ تاریخنده «پن مارچ» جوارنده «ژنه رال بوآده فر» نام یلکن کیمسی بر قضای بحری بی متعاقب ضایع اولمشدی . صاحبی بولنان شرکت بونی بر تحت البحر هجومه عطف ایش ایدی . شرکت حکومت علیهنده بدل تضمین دعواسنی شورای دولت نزدیکه اقامه ایلدی و دائره مذکوره ۲۳ کانون اول ۱۹۲۱ تاریخنده حکومت قومیسرینک مطالعه سی وجهله مسئله نک کندی صلاحیتدن خارج اولدیفنه قرار ویردی .

بو صورت حاکم لهنده ، حکومت قومیسرینک مطالعه سنک اسباب موجب سی میاننده اصراردن خالی قالمادیفنی عملی بک مهم بر ملاحظه موجود ایدی . اوده شوایدی ؛ بر جوق سیر سفائن قومپانیه لری یوقاریده کی شرکت کبی حرکت ایده جک یرده ، ینه

تحت البحر هجوم لرندن متولد تضمينات دعوالرینی محاکم عدلیه حضورنده اقامه ایشلسر ، او صورتله که ۱۹۲۱ سنه سی نهایتده الی قدر بدایت محکمه سی ویکرمی قدر استیناف محکمه سی بو قومانیله ایلله حکومت بیننده منعقد بحری سیغورطه مقاوله نامه لری حقنده اعطای قرار ایش بولنیورلردی . بوندن ماعدا بو قومانیله ایلله سیغورطه شرکتری بیننده منعقد بحری خساراته متدائر سیغورطه خصوصاتی رؤیته محاکم مزبوره بالطبع صلاحیتدار بولنیورلر ایدی . بناءً علیه یوقاریده ضیاعندن بحث ایدیلن یلکنلی کمینک دوچار اولدینی قضا جنسندن برخصوصدن طولانی شاید شورای دولت کندینی صلاحیتدار فرض ایتسه ایدی ، عینی سفینه نك ضیاعی حقنده قضانك اسبابی بشنه درلو تقدیر ایدرك قرارینی اکا کوره ویرن بر محکمه عدلیه نك حکمنه بستیون مخالف برقرار اصدار ایش اولابیلردی . بو مضاعف صلاحیتلر بزی یکدیگریسه مخالف قرارلر مواجهه سنده بولندیرمش اولاجقدی ویا ایرمیس ایشنده اولدینی کبی تعمیری غیر قابل بر مغدوریت وحقسزلق تولید ایش اولاجقدی .

ایشته بو فعلی سبیدن طولاییدرکه شورای دولت بوخصوصده کندیسنی صلاحیتدار عد ایتمه مشدر . هر نه قدر ۲۳ کانون اول ۱۹۲۱ تاریخی قرارنده بونی ذکر ایتمه مش ایسه ده ذاتاً بو قرار سبب فعلی قدر مؤثر اولمایان بر سبب قانونییه استناد ایتکده در . اونده نیلیورکه بحری سیغورطه لر ایچون حکومت ملی بر دائره تأسیس ایتکله بونك معاملاتنی خصوصی سیغورطه شرکترلینك ایشلیدیکی شرائط قانونیه دن غیری بر طرز و صورتده اداره ایتکی دوشونمه مش ونهایه الامر موضوع بحث مقاولات ده ، سیغورطه شرکتی وظیفه سی آلان حکومتله ، سیغورطه ایتدیریلن مجهزلر آره سنده منعقد حقوق عمومیه مقاولاتندن عبارت بولنمشدر .

حکومت دواثرنجه عقد اولنان مقاولاتك جهت حقوقیه سی حقنده مختلف محاکم صلاحیتلرینك صورت توزیعنه دائر اولان اجتهاد حاضر ، حقوق عمومیه مقاولاتیه اداری مقاولاتی یکدیگرکندن تقریق ایدر کبی کورونمکده در . حالبوکه بو ایکی نوع مقاولاتی بر بوندن نصل آیره جغز ؟ حکومت ایلله بر شخص آره سنده وقوع بولان بر مقاوله افراد بیننده منعقد مقاولاتك معنا وشرائطندن آیرلما بورسه بو بر حقوق عمومیه مقاوله سی اولور بوندن متولد حقوقی اختلاف عدلی صلاحیته داخل اولور . یوق اکر مقاوله حقوق عمومیه نقطه نظرئندن شدید و آرزوق قوه عامه نك تأثیرینی کوسترن بر طاقم قواعد خصوصیه یی

مستلزم ايسه احوالده بواداری نوعدن بر مقاوله اولور و حقوق اختلافی اداري صلاحيت جله سندن عد اولتور .

شورای دولتي متحد مجهزلر شرکتي مسئله سنده في ۲۳ مارت سنه ۱۹۲۴ تاريخلی قراريله قبول ايتديکی صورت حلده بوايدی . بونده شورای دولت کندی صلاحيتدار کورمشدی . مسئله ، في ۱۰ نيسان سنه ۱۹۱۵ تاريخلی قانونک دکل ، بلکه في ۱۹ نيسان سنه ۱۹۱۷ تاريخلی قانونک احکامنی تطبیقاً پایلان بر عقددن متولد بر اختلافدن عبارتدی . حالشوکه بوقانون حکومتک بحری سیغورطه سنی مجبوری برحاله قومقله پایبلاقی عقوداتی بحری سیغورطه لرده معین شرائط عادیه دن یک فرقلی بر طاقم شرائطه تابع طوتیورایدی . حقوق عمومیه جه شدید و فاحش شرائطی حاوی اولان بو مقاولات عدلی صلاحيتدن خارج اداري نوعدن بر مقاوله شکلنی آلیورایدی . ايشته بوکي احوالده ، بحری قضانک حقیقی ماهیتی نقطه سندن ایکی نوع قضا آره سنده هر ایکسینک کندیلرینی صلاحيتدار فرض ایتمه لرندن متولد غیر قابل حل بر اختلاف چیقہ بیلردی . خسار علی العاده بحری ايسه عدلی صلاحیتی ، یوق محاربه خساری ايسه اداري صلاحیتہ تابع اولاجدی .

مضاعف صلاحيتلردن متکون مابین قرارلر احتمالاتی دیگر بر ساحده دخی کورلمکده در . کرچه نادر الوقوع ايسه ده اداره نک قباحت و خطاسندن طولایی افرادہ ایراث ایدیلن ضررلرک تضمینی مسئله سی بوقیلدند . بو خصوصده محاکم اداریه نک اجتہاداتی ضررک فاعلیله برابر ، قرارک اجرا سندن ایتدیکی دائره بی ده مسئول طوتان قانون مدینک ۱۳۸۴ و ۱۳۸۲ ماده لرینک محتوی اولدیغی حقوق عمومیه یی تطبیقدن اجتناب ایتکده در . (قونفلی Conflicts) محکمه سنک ۸ شباط سنه ۱۸۷۳ (بلانکو Blanco) و ۲۶ تموز سنه ۱۸۷۳ (پلته Pelletier) تاريخلی قرارلرله تثبیت اولنان محاکم مزبورہ اجتہاداتی اساس اعتباريله مسئولیتی یالکتر بر طرفه تحمیل ایتکده در . یا حکومتی خارج طوته رق یالکتر مأموری مسئول طوته قله اکتفا ایلر .

مأمورک بر خطاسی نتیجه سی اوله رق وقوعه کلن احوال بو جله دن اولوب اک صوک اجتہادله نظراً مسئولیت قصداً و آخری اضرار نیثله وقوع بولان احواله حصر و تحدید ایدلمکده در . بو احوالده صلاحیت ، محاکم عدلیه نک در و یا خود مأموری بری عد ایدرک حکومتی مسئول طوته مقدر . مأمور طرفندن ایقاع ایدیلن خدمت خطاری بو جله دن اولوب اجتہاد حاضر بر ایشلمه نک فنا تشکیلاتی و بوزوق بر صورتده جریانی بو خدمت

خطاينه تشبيه ايتمكده در. بواحوالده صلاحيت اداري جهته مائداولوب تضمينات اعطاسنده هر نه قدر شوراي دولت كنش بر طرزده حكم ايتمكده ايسده يوقارده مذكور بلانقو دستورينه مربوط قالفدن خالي بولميور. بودستوره نظراً ضرر وزيان حقى نصفت وحقايقته ابقا ايلر و ايشتمهك، خدمتك احتياجاتى وماهيتيله تبدل ايدم بيلير .

مع هذا بعض نادر احوالده اجتهاد محاكم عيني حادثهك هم بر خطاي شخصي همده بر خدمت خطاسي اولديغنى قبول ايتمكده در . فقط بونده مدعيتك حق اولان تضمين بدلنى تجاوز ايدم جك ايكي دولو تضمينه جواز بوقدر . (شوراي دولت ۳ شباط سنه ۱۹۱۱ آتفه و ۲۶ تموز سنه ۱۹۱۸ له مونيه مسئله لرى) .

ايشته بوكي احوالده در كه مابين قرار لر مسئله سندن قور قولور . له مونيه ايشنده حكومت قوميسرينك سوبلديكي وجهله ايكي نوع قضادن هر برى كندى صلاحيت ساحه سنده تماماً مستقل قالمقده و بنا برين ديكر نوع قضائك و برمش اولديغنى قرار ايله ذره جه مقيد اولمايه رق كندى قرارينك حاكمي اولمقده در . بنا برين مابين قرار لر بولنمسي، ايكي نوع قضائك موجود يتندن حصولى واجب دكل ممكن اولان بر نتيجه در .

صكره بوناخوش احتمالى نظردقته آلماسق و شوراي دولتك حال حاضرده متبوعلره كيتدجكه دهها مساعد مقررات اتخاذ ايتمك خصوصنده كي تمايلي تقديره شايان بولسق دخي . مضاعف بر اصول محاكمك توليد ايتديكي مشكلات و معضلتدن ، بونك استلزام ايتديكي مدتلر ايله مصارفدن و نهايت اك موافق طريقك انتخاب و تعييينده مدافع حقوقك دوچار اولديغنى تردددن توحش ايتمهك ممكنميدر ؟ زيرا دوشونملى كه متضرر اولان كيسه بوايكي طريق قانونيه عيني زمانده و يا بر برينى متعاقباً توسل ايدم بيلير . بوكا مقابل اختلافي هر نقطه نظر دن حل ايچون تك بر محكمه يي صلاحيت دار فرض ايتسهك هر شي دهها زياده سهولت و بساطت كسب ايدر و عدالتك دهها مقرون اولور .

فصل — ۴

سررع بر طرز محاكمك لزومي مقننه

خدمات عموميهك جريائى دائماً آز چوق علاقه دار ايتمسي اعتباريله هر هانكي اداري بر ايش سرعتي استلزام ايتديكي جهته، اداري قضا عمومى اصول محاكمك آغير و مصرفلى اولان اشكاليله تاليف قبول ايتمز دنيلمكده در .

اداری قضائک اسباب موجبہ سی میانده کوسترین بو ملاحظہ برچوق جوابلر ویریلہ بیلیر. آنجق هرشیدن اول حادثاتی نظره آلمق لازمدر. ده ۱۹۱۴ محاربه سندن اول ماهیتلری مختلف اسبابدن طولانی شورای دولته تراکم ایدن دوسیه لرك عددی اوقدر جوق ایدی که جسم بریغین تشکیل ایتکده و بوده دعاویک انتاجی خصوصده بیوک بربطات تولید ایتکده ایدی. او وقت شورای دولته بردعوانک وسطی مدت جریانی اوچ سنه ایدی. بو وضعیت ده وخیم برحال آلامسی ایچون محاربه دن متولد وموقت ماهیتی حائز اختلافات حقنده اعطای قرار ایتک اوزره برطاقم خصوصی محاکم قضائیه احداث ایدلدی. حرب قزاقچلری، معاشات، حرب خساراتی کبی مواد حقنده بو اصول سایه سنده ایشلرك تراکمی تحدید ایدیلرک بالکیز تمیزاً وقوع بولان محدود مراجعتلر مقدارنده برتزاید وقوعه کلدی. واضع قانون ده ایلری کیدرک خسارات حربیه عالی قومیسونی نامیلہ خصوصی وموقت یکی برشعبه احداث ایلش وبوشعبه خسارات حربیه محاکمی طرفندن ویریلن قرارلرك استینافاً تدقیقی وظیفه سیلہ توظیف قلمشدر. مع هذاینه محاربه دن متولد وبلاده کی مواد حقنده اولدینی کبی خصوصی مرجع قضال احداث ایدلمش مسائله عائد اختلافات، متراکم دعاوی یه منضم اولش وبوجهلندن اوله رق ۱۹۱۹ نهایتله ۱۹۲۰ بدایتلرنده، ابتدای مختصاتدن بری تعطیل ایدلمش اولان محلی انتخاباته توسل ایدلمش اولسندن طولانی بو مواد عائد حقوقی دوسیه لرك پک مبذول برصورتده ورودایتدیکی کورلمشدر. صکره محاربه ده پایلان برچوق مبايعاتدن متولد اختلافات ده کثیر ایدی ونهایت مطرح اشاراتی اوزرینه مؤسس اسکی وبرکو سیستمی آلت اوست ایدن وائشای محاربه ده وضع اولنان یکی وبرکو قانونلری برچوق دعوالر احداث ایتش بولنیوردی. تنون بو یکی دعاوی ذاتاً دورہ صلحه ده کیتدکجه تزایده میال اولان دوسیه لره منضم اولوب کیدیوردی. شرائط مذکورہ تحتنده اعیاندن شاپالک ۲۳ کانون ثانی سنه ۱۹۲۳ تاریخی اعیان جلسه سنده تکذیب ایدلمین ادعاسی وجهله ۱ کانون ثانی ۱۹۲۳ ده شورای دولته صور حلیه سنی بکلہ یں متراکم دوسیه عددینک یدی بیک اولدیغه تعجب ایدلمه ملیدر. اسباب سالفه دن طولانیدرکه توزیع عدالتده شایان تفتیح بربطات مشهود اولیور.

۱۱ حزیران سنه ۱۹۱۴ تاریخنده قیداولنان براستدعانک محاکمسی آنجق ۲۴ مارت سنه ۱۹۲۲ تاریخنده وقوع بولمشدر.

(پارس غازوز فابریقه طور لرینک سندیقه او طه سی) ۱۴ و ۲۷ تشرین اول سنه ۱۹۱۳ تاریخلرنده قید اولنان دیگر برطاقم استدعایه عائد قرارلر ۲۴ مارت سنه ۱۹۲۲ تاریخلنده ویرلشدرد. (سالهن، لهوی ومیشل). قاره ز امضالی دیگر بر استعدا ۱۹۱۳ سنه سنده قید اولندی قی حالد شورای دولت قرازی ۲۰ کانون ثانی سنه ۱۹۲۲ تاریخلنده صادر اولشدرد. ۱۹۱۹ سنه سنده ویریلن بر استعدایه عائد قرارده ۱۸ خیزران سنه ۱۹۲۶ ده صادر اولشدرد. (لابه ی سیغورطه قومانیه سی وسائره).

بالذات حکومت ایچون دخی بویه بروضیت مخذوردن سالم دکلدر. هر هانکی بر مسئله عائد اولورسه اولسون شورای دولت حضورینه کلن دعاوی اکثریتله بیوک مبالغ اوزرینه در. حکومتک خصمی ایسه مدار اختلاف اولان رأس المالك فائضی وکجن هر سنه فائضک ده فائضی طلبدن خالی قالماز. او صورته که دعوا، محاکمه کورمه دن اول برچوق سنه لر بکه دکدن صکره فائض مرکبدن طولایی مبلغ مدعابه، ایکی مثلی تزیاید ایتمش اولور، دعاوی غیب ایدن حکومت ایسه بوضری ده حکومت کورمش اولور.

یا بویه بر محاکمه اصولک افراد حقنده باعث اولدینی نتیجه نه دیه لم؟ نتایج مذکوره تام بر فقدان عدالته معادل اولابیلیر. حکومتله عقد یابان متعهد ویا متشبث عظیم مبالغی اویقویه یا تبرمقدن ایسه دعاویه هر هانکی بر صورت حلی ترجیح ایده جک و بو صورته حکومتک امرینه تابع بولنه جقدرد. بودرجه سی دوشونمسه ک وعدالتک اینی بر طرزده تطبیق ایدلدیکنی فرض ایتمسه دخی بو قدر کچ توزیع ایدیلن بر عدالتک حسن صورته قبول ایدیه جکی تصور اولنه ماز. حالوکه اداری قضا دکلدر که دیکرلرندن ده سرعته ایفاسنی ایجاب ایلر؟

ایشته بو حقیقی نقصان وقصوره چاره ساز اولق ایچون قضای ادارینک ممکن اولان اصلاحاتی دوشونلش و بو آرزونک تحت تأثیرنده اولارق اداری صلاحیت داخل دعاوینک قسم مهمینک محاکم عمومیه نقلی تکلیف ایدلشدرد. ۱۹۲۰ سنه سندن بری کرک مجلس اعیانده کرکه مجلس مبعوثانده بو بولده برچوق تکلیف لر وقوع بولشدرد.

شمدی به قدر ایسه غایت بسیط بعضی اصلاحات یابلشدرد. ۱۰ مارت سنه ۱۹۲۳ تاریخلی قانون شورای دولته یکی بر مأموریت احداث ایتمه مکه برابر متراکم دوسیه لرک محاکمه سی تسریع مقصدیه جهت حقوقیه تخصیص قلنان مأمورلرک عددینی تزیید و اداری شعباتده کی مأمورلرک عددینی بر مقدار تنقیص ایتمکه اکتفا ایلشدرد.

۶ ایلول ۱۹۲۶ تاریخی قرارنامه به کلنجه، اسکی قانون موجنبه ده پارتمان اعتبارله تشکیل ایدیلن پره کتور (اداره) مجلسرینی، بتون فرانسه ایچون یکرمی ایکی به تنزیل ایله اکتفا ایلدی. شو صورتله بو قرارنامه، صلاحیتی آلاس لورنک اوچ ده پارتمانه شامل اولارق استراسبورغ ایالنده احداث اولنان اداری محکمه ایله ۱۹۱۹ سنه سندن بری تطبیق اولنه کلن سیستمی عمومیلشدیرمش اولیور. موجود اولان یکرمی ایکی پره کتور مجلس واقعا ده پارتمان اعتبارله دکلدر. آنجق قرارنامه بوندن ماعدا اولارق مجلسلرک صلاحیتی خصوصنده برکونا تعدیل کتیرمه مشدر.

بونکله برابر اعیان مجلسی ۳، ۶ و ۱۰ مارت ۱۹۲۵ تاریخی جلسه لرنده پره کتور مجلسرینک اصلاحی ویا العاسی مسئله سنک هر جهتی تدقیقه قوبولمش و بوبابده پک قیمتلی ومدققانه بر مناقشه جریان ایلشدی. مجلس جدی برصلاح تامینی امیدیه مختلف پروژه لری کندی اداری قومیسون عمومیسنه کوندیرمش و بو امرک انتاجی قوه قریبه به کلش ظن ایدلشدی حالوکه بو امیدده بوشه چیقدی؛ زیراً حالاً المزده ۱۹۲۶ تاریخی قرارنامه دن بشقه برشی یوقدر. ماهیتی وشمولی اوقدر محدوددرکه اولنک ایچون اعیانده هانری مهرلنک دیدیکی کبی (Revue politique et parlementaire 12 Octobre 1929) طاغ طوغوره طوغوره برقاره طوغوردی دیمک ایجاب ایلر. بو قرارنامه حقنده الک آز سویلنه بیله جک برشی وارسه اوده بونک محاکم عمومیه به دعاوی اداریه نك نقلی لزومی صورتنده تجلی ایدن ماهیت مسئله نی حل ایتمه دن معلقده بیراقش اولسیدر.

فقط مسئله افکار عمومیه مواجهه سندن هنوز چیقمش دکلدر. واوزون مدت مسکوت عنه کچدیکی حالده شورای دولته دردست بر جوق دعاوینک انتاجی خصوصنده کوریلن بطاؤنک تأثیری تختمده درکه تکرار موضوع بحث ایدلمکده در. بوندن نظریاتدن تطبیقات صفحه سنه کچلنجه، اداری قضایه عطف اولنان سرعت محسنانی مدح ایدلدیکی زمان بونک نه درجه نظره آلمسی لازم کلدیکی آکلاشیلیر. ذاتاً هیچ شبهه یوق که بعض احوالده سرعت خصوصده محاکم عدلیه فائقدرلر. فی الحقیقه محاکم اداریه ده (ره فوره) دینیلن طریق قانونی یوقدر. ۲۲ تموز ۱۸۸۹ تاریخی قانونک ۲۴ نجی ماده سنک پره کتور مجلسی رئیسنه ویرمش اولدینی صلاحیت، مستعجلاً مخلنده تحقیق وتدقیقی ایجاب ایدن بر مسئله ایچون ارباب وقوفدن برینک تعینی کیفیتدن عبارتدر. صلاحیت مذکوره

غایت محدود ورده فوره صورتيله قرار ویرن بر محکمه رئیسک حاز اولدینی تمامی صلاحیت ايله بوجهه قابل قیاس دکلدر.

بوندن صرف نظر هیئت عومیه سیله اداری طرز محاکمه نك عدلی طرز محاکمه نظر اشکال سر یعیسی ودها آز مصرفلی اولمق اعتباريله فائق اولدینی قبول ایتسهك دخی بحال، محاکم عدلیه نك اداری اختلافات حقنده قرار اتخاذ ایتکدن منع ایدملری ایچون برسبب تشکیل ایده مز. محاکم تجاریه، دعاوی تجاریه یی رؤیت ایتدیکی زمان اصول محاکمه تجارت اشکالی دائره سنده محاکمه ایدرلر. بونک کبی دعاوی اداریه یی رؤیت صلاحیتدار اولسه لر، اداری طرز و اصول محاکمه نك محاکم عدلیه طرفدن تطبیق ایدلمسسه نه مانع تصور اوله بیلیر؟

پارس حقوق فاکولته سی حقوق اداره مدرسی

ره زاکلده

فانونه مدنی

یکی قانونلرمزه کوره وکالت دوریه وارمیدر

معاملات ناسده الک چوق تصادف ایدیلان حادثه لرك نه درجه یه قدر موضوعات حاضره مزه موافق بولندیغنی تدقیق و لدی الحاحه ارباب حقوق مواجهه سنده مناقشه ایلک؛ بیوک بر انقلاب عدلی کچیرمکده اولدیغمز شو ضره ده منتسبین حقوق ایچون بر وظیفه معنویه در ظن ایدرم. بو سایه ده اوروپاده کوریلان ترقیات حقوقیه پی در پی و احتیاج محیطمزه کوره بزده ده حاصل اولمش اولور.

بو مقصدله شو مقاله مده بزده پک چوق تصادف ایدیلان وکالت دوریه دن بحث ایتک ایسترم. شمدی یه قدر مطرد بر صورتده اعتیاد ایدلیدیکی وجهه وفاء فراغ ایدیلان اموال غیر منقوله مقابلنده استقراض ایدنلر داینلری و یا خود انتخاب ایده جکلری ذاتی ختام وعده ده تسویه دین ایدلمه دیکی صورتده مفروغ بهی فروخته وکیل دوری تعیین ایدرلردی. چونکه داینلر وکیل دوری عزل ایدلمه مز ذهابنده بولونورلردی.

«وکالت دوریه» ایسه بر شخصك دیکرینی هر نه زمان عزل ایدرسهم وکیل مسك